

UANDAKUA JURHIMBEKUECHERI K'UIRIPUECHERI PARHAKPENI ANAPU

INCHAJPEKUA

Mitiparini eski jánguarhikua, jurhimbekua ka no jupiperakua parhakpeni jimbo jupikuarhisindi jeioperakua jurhimbitku jangueri ka no ambe atarantskueri iamindu majku anapuecheri,

Mitiparini eski no eiangperakua ka isku eekua k'uiripuecheri jurhimbekua isĩ jimbosĩ xani no sesi kameraŋajti; ka uandaŋajti, eski sanderu k'eri ambe ukua k'uiripuecheri, erokakua materu jaso irekakueri engakso k'uiripuecha, jurhajkutini ia chékua ka komu jáangua, sesi marhuataakaksĩ uandakua ka mamaru járhati jakajkukuechani,

Mitiparini sesimindu eski k'uiripuecheri jurhimbikuecha kuajpeŋaaka K'eri jurhimbikua jimbo, jimbokakso iso k'uiripuecha uatiksĩ no ambe jupikuarhini ka jauarani no sesi kamberakua jimbo,

Mitiparini istu eski uetarisĩnga etsekuni ka k'uiriperani iretecheri sesi pajperakua,

Mitiparini eski iretecha, Iretecheri kunguarhikua sesi jimbomendu uandajti ia imecheri jakajkua K'eri karákatarhu k'uiripuecheri jupikuarhikua jurhimbekueri, k'uiripueri k'uratsekua ka ts'iuekua ka majku jasĩ jukaparhperakua ts'iuerticheri ka uarhecheri; ka uandastiksĩ ia eskaksĩ uaka ambakiti ambe ireskuni ka irekakua ambe sesi uaxastani eratsiparini eskaksĩ usĩnga janguarhikuarhini,

Mitiparini eskiksĩ K'erhati Irechekuecha eiakurhistiksĩ sesi, jarhaujpeni indeni kunguarhikua Organisationsi de las Naciones Unidasĩ jingoni, iamendu jaŋaŋarperani ka urauani jurhimbekuechani ka jánguarhikuechani k'uiripuecheri, ka

Mitiparini eski sesi mitiakaksĩ iamendu ieni jasĩ jurhimbekuechani ka jánguarhikuechani sanderu jukaparhakuesti ka inde eiakurhikuani uni isĩ ukuarhini,

K'ERI TANGUARHIKUA uandasindi

I K'eri Uandakua K'uiripuecheri Jurhimbikuecha Parhakpeni Anapu iamenduchani majku jasĩ eraaparini eskiksĩ iamendu iretecha janguarhentaakaksĩ, eskaksĩ xani k'uiripuecha eski k'umanchikua juramukuecha imani exeparini mititpeakaksĩ jorhentpeparini ka kaxomperakua jimbo, ini ambe jaŋaŋarhini, uaxastatikso, saŋani arhipani iapurhu iso, jiokurhiŋaati ka sesi uraŋaati, xani iretecha engakso kurhpitini jaka ka engaksojtu iretecha jima jupindakuarhitini jaka.

Arhujtakua 1

Iamendu k'uiripuecha janguarhiparini ka majku jarhati ka jurhimbekuecha jingoni kueraaŋasondikso ka, juajtakuarhisĩndiksĩ ambakiti eratsekua ka kaxumbikua, jatsistiksĩ eskaksĩ sesi arhijperaaka.

Arhujtakua 2

Iamendu k'uiripuecha jatsistiksĩ iamendu jurhimbekuechani ka janguarhikuechani engaksĩ ixu uandajka, na uejiki jasĩ iurhiri jatani, xarharani, ts'iuerati o uarhi, uandani, chereŋeni, eratseni o materu jangua kamani, nani uejki anapueni, jatsikurhini tumina o no ambe, kueraakatani o materu jasĩ ambe uni o jamani.

Istu, no ima paŋaati naki enga kunguarhikua juramukueri jamaaka, naki uejkini o nani uejki anapueni enga jupindakurhitini jauaka ma k'uiripu, xani enga ma paisi juramukuarhiti anapueuaka, eski ima irechekua enga no iamendu ambe jandiajku juramukuarhiaka.

Arhujtakua 3

Iamendu k'uiripuecha jurhimbekua jatsistiksĩ jamani i parhakpeni, janguarhikuarhini ka tsipekua kuajpemeŋani.

Arhujtakua 4

No nema jamaati isku anchikuarhitsipeni nijtu isku jantspeni; isku anchikuarhitsipekua no sesikua jarhasti ka ni niatatsipetichani ataraantani o piauani na uejki jasĩ jimboeni.

Arhujtakua 5

No nema jatsisti eski komku kaŋaaka o eski k'uratsekueni jaso ambe kaŋantaaka.

Arhujtakua 6

Iamendu k'uiripuecha jurhimbekua jatsisksĩ, iapurhu isĩ, eski jaŋaŋarhiŋaaka na uejki jasoeni.

Arhujtakua 7

Iamenduksĩ majku jasĩsti jurhimbekuarhu jimbo ka jatsistiksĩ, ne uejkini, majku jasĩ kuajpikurhintskua, jurhimbekuecha jingoni. Iamenduksĩ majku jasĩ kuajpekuarhintskua jatsisti ne enga t'auajchakuaka ka no paaka ini uandakuani ka eratsekuani.

Arhujtakua 8

Iamendu k'uiripuecha jurhimbikua jatsisti jupikuarhini ambe enga kuajpintaaka, enga tsandpemeŋaaka kuramukperakuarhu, eska kuajpeŋantaaka enga imeri jurhimbekuechani t'auajchakumeŋaaka.

Arhujtakua 9

No nema uati isĩkumendu undani jupiŋani, oŋaŋani ni chutaŋantani o petaataŋani.

Arhujtakua 10

Iamendu k'uiripu jurhimbekua jatsisti, mangueni jatini, eska kurajchaŋaaka ka eska sesi kurangumeŋantaaka, eskakso juramuticha no nema jingoni k'uetsapeaka, eratseparinksĩ imecheri jurhimbekuechani ka janguechani, o engaksĩ uekaka mitikuni ambesĩ tsĩjpa.

Arhujtakua 11

Iamendu k'uiripu tsandpemeŋakata ma ambe tso

No nema jupiŋaati ka oŋaŋani enga jiajkani enga tso

Arhujtakua 12

No noma inchakumeŋaati imeri irekakuarhikua jimbo imeri japindembekuarhu, imeri k'umanchikuarhu o imeri ambe axatsoperakuarhunijtu chureŋani jaakuarhimeŋani ambe. Ini ambe jimbo iamendu k'uiripu jatsisti jurhimbekua eska kuajpikurhintaka.

Arhujtakua 13

Iamendu k'uiripu jurhimbekua jatsisti jamani ka erakukuarhini nani enga irekaaka ma Irechekuarhu.

Iamendu k'uiripu jurhimbekua jatsisti ueakuni ma o imeri paisirhu ka menderu ichaakuntani.

Arhujtakua 14

Enga andanguŋani o jupiŋakuekani jauaka

I jurhimbekua no uati uanakutani o kurajkuarhini ma ambe tsijpakua jimbo enga ambe arhijka Nasionesi Unidasirhu.

Arhujtakua 15

Iamendu k'uiripu jurhimbekua jatsisti nani enga anapueuaka.

No nema euakuarheŋaati jurhimbekua isku undani nani enga anapueuaka o irekaaka ka majku jastu enga uekaaka mojtakukuarhini materu o tamu iso

Arhujtakua 16

Ts'iueriticha ka uárhicha, engaksĩ tumbiuaka ia ka iurhitskirini ia, jurhimbikua jatsistiksĩ, no p'inguŋaparini iurhiri anapuekua o chereŋekua jimbo, tembuchani o uambuchani ka ireskuni ma japindembekua; ka majku jaso marhuataatiksĩ jurhimbikuechani engaksĩ tembungurhitini jauaka ia ka istu engaksĩ jurhajkperaaka.

Jeiokperaparinskĩ ka uekaparinkuksĩ uati tembungurhirini.

Japindembekua kueraakatesti parhakpenirhu ka jurhimbikua jarhasti eskiksĩ ireta ka Irechekua kuajpiaka ka jarhuatpeaka.

Arhujtakua 17

Iamendu k'uiripu jurhimbekua jatsisti eski mamaru ambe jandiajku minguarhiaka, ka istu kunguarhuntatini mamaru ambe jatsikuarhini materu k'uiripuecha jingoni.

No nema euakuarhiŋaati iskumendu imeri jatsikuarhikua ambe.

Arhujtakua 18

Iamendu k'uiripu jurhimbekua jatsisti eratseni eski na uekaaka, jaŋaskani ka chereŋentu iso; i jurhimbekuajtu arhisĩndi eski uŋaaka mojtakuni chereŋekua ka jokajkukua, istu uandani na jaso chereŋesondi ka jakajkusĩndi, jandiajku ka uanekuecha jingoni, xani eski mitikuarhiaka ka eskajtu no ambe, jorhenguarhikua jimbo, isĩ ukua jimbo, jangua ka exekua jimbo.

Arhujtakua 19

Iamendu k'uiripuecha jurhimbekua jatsistiksĩ arhiĵpeni ka uandani; i jurhimbikuajtu arhisĩndi eski no ambe ma arhiŋaaka ambe enga uandaaka, ka etsakuni, mamaru jaĩ ambe etsakutarakua jimbo.

Arhujtakua 20

Iamendu k'uiripuecha sesikua jasistiksĩ tanguarhiŋantani ka kunguarhiŋantani kasopekua jingoni.

No nemanksi uati uiŋarhitani eski ma kunguarhikua jingoniuka.

Arhujtakua 21

Iamendu k'uiripu jatsisti sesikua uni andaparakuerani k'eri juramukuarhu, andaparakuerani o enga erakuntskuarhu ueraaka.

Iamendu k'uiripu sesikua jatsisti eski majku jasi ambe uaka teruŋarhitaŋani juramukua imeri paisirhu.

K'uiripuери eratsekua ireteri anapu majkuesti jupitsekua uiŋapikua enga ireta uandaaka juramukueri; i kuramukperati uati ma juramitini jatsini erakuntskuarhu engakso ukuarheni jauaka na jatini enga k'uaniaka, erakuntaparini sipatinku o iamendu exeŋaparini.

Arhujtakua 22

Iamendu k'uiripu, jimboka iretarhu anapueka, jurhimbikua jatsisti jaŋaŋarhikua kuajperata intsoŋani jarhuajperaparini iamendu juramukuecha jingoni juchari pɔindetsikuarhu jimbo ka tepetsekuarhu, marhuatani tumini juchari Irechekuarhu anapu, enga uetarka imeri jaŋaskua sesi jaxeaka ka t'arhexeaka.

Arhujtakua 23

Iamendu k'uiripu jatsisti eski intsinaaka ma anchekuarheta, eski ima na jasi jaŋaskatini jauaka, majkueni eski maruteruecheri ka eska kuajpeŋaaka enga niatakua no ambe jatsikuarhiaka.

Iamendu k'uiripu jurhimbekua jatsisti, no amutaŋantaparini, eski meiamuŋaaka ambe ka na xani enga anchikuarhitini jauaka.

Iamendu k'uiripu enga anchikuarhijka jurhimbikua jatsisti eska sesi meiamuŋaaka ka sesi exeaka, eski uaka nitamakuarhini ka sesi irekakuarhitarani imeri anapuecha jingoni.

Iamendu k'uiripu sesikua jatsisti kunguarhikuechani uaxastaani ka imajtu inchajpeni kunguarhekuarhu ka isi

uni kuapini imeri anchikurhikuani.

Arhujtakua 24

Iamu k'uiripu jatsikuarhesti jurhimbekua mintsikuarhekua, jurhitenchakuarhekua, sesku atakua anchakuarhekua ka isijtu jakua na jasi jimbo jandajpekua meiamukata.

Arhujtakua 25

Iamu k'uiripu jatsikuarhesti jurhimbekua jurhimbejsitatakua tsipekueri terukutakata imangi tatetspekuuaka, ka isijtu imeri exenchperakuani, uratajperantskua, ka sesi jakua, ka t'irekua jindemendo, xukuparhakua, irekua, tsinajperakua ka imangi uetarhiuaka ireteri manaratsperakua; ka isijtu jatsisti jurhimbekua tataetsperakuechani, iki no jatsikuarheuka anchekuarheta, p'amenchakua, no ambouakua, tsindikua, t'arhepekua o materu ambe jimbo enga tsitooka imeri nitamanchakua imangi jimbo no isi atini jauaka.

Kuxarhekua ka uajpa sapichuekua jurhimbekua jatsikuarhestiksi jukauantskuaechani ka jandiojko jarhutakuaechani. Iamendu takiecha, jupiuakata tembuchakua o uérakua tembuchakuarhu, jurhimbekua jatsisti majku jasi kuaŋani iretarhu.

Arhujtakua 26

Iamu k'uiripu jurhimbekua jatsikuarhesti amboŋastakua intso

Amboŋastajperakua niarauati iamu p'irakuni k'uiripekua k'uiripuchaeueri ka uiŋaperani jaŋaŋarhikua jurhimbekua k'uiripuecheri ka janguarhekuaechanijku, uiŋaperauati kurhangukua, tekaantskua ka sesi pajperakua iamu sorangua k'uiripucheri ka iamu iretecheri o chereŋekuaecheri, ka manatooti p'irakukua niatakuaecha Kunguarhekua So

Tatembaecha uati erakuni na jasi amboŋastajperakua uekasini intskuni uajpechani.

Arhujtakua 27

Iamu k'uiripu jurhimbekua jatsikuarhesti jandijku inchamukuni mimixekua tsipekuarhu ireteri, maruutani anchekuarheta imangi tsitieka ka inchajpeni jurhenguarhu imangi urhepani jauaka ka jurhiatenchakua imangiksĩ jima uérooka.

Iamu k'uiripu jatsikuarhesti jurhimbekua kuajperantskua imeri pejparikuaechani sesi jangua ka kejtaskuarhekuecheri imangiksĩ k'uaninchooka, anchekuarheta petakua, mimxekua, karakua o imecheri sesi niatakua jimbo.

Arhujtakua 28

Iamu k'uiripu jurhimbekua jatsikuarhesti esiki ikaskuŋooka ma ireteri uandangukata ka iamu sīrukua k'uiripuecheri jininga jurhimbekuaecha ka janguarhekuecha enga eiamarhijperaŋajka i amboŋastajperakuarhu esoka isĩ niatakuarheuaka.

Arhujtakua 29

Iamu k'uiripu jatsikuarhesti eiauandakuarhekuaechani ireta jinguni, jimboka jimajku uaka kuerakuarheni jandijku imeri k'uiripekua.

Niatakua iameueri jurhimbekuaecha ka marhunchakua imaeueri janguarhekuaecha, iamu k'uiripu engauati jupikakata jima jimberu esika na uandakata jauaka uandaskukatarhu jimbokijtu isijku uati uiŋamu jupikani mitejperantskua ka jaŋaŋarhikua jurhimbekua ka janguaecheri, ireteri uandangukata ka sesi irekua ma iretarhu imangi jauaka ireteri juramukua.

I jurhimbekuaecha ka jandijku hanguarhekua no uati mentjikusĩ niatakuarheni taŋatskuarhekuni uengurhikua ka uandaŋekuaechani Kunguarhekua Ma Sorangua K'uiripuecheri.

Arhujtakua 30

No ambe ma i amboŋastajperakua uati kurhangukuarheni esoki intskusīga jurhimbekua irechakuani, ma umbatsekuani o ma k'uiripuni, uenani ka pīirakuni niatakuechani o niatani ambe ma imangisī texurhiuaka kenditani nakinderku ma jurhimbekuechani ka jandijku janguarhekauechani eiamarhijperakatecha i amboŋastajperakuarhu.